



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Capvt VII. a Alexander III.

---

[urn:nbn:de:hbz:466:1-74544](#)

que res, Alciatus lib. 1. disput. cap. 11. Ripa de peste, tit. de remediosis ad convent. Alia ratio additur in l. Mercator 4. C. de commerc. & mercat. ne alieni Regni, quod non convenit, scrutentur arcana. Facit lex 2. C. quando & quibus quarta pars. Facit edictum Theodorici apud Cassiodorum lib. 2. par. cap. 12. ibi: Si desideris nostris commerciis peregrina famulantur, si prolati auro acquiritur aeterna devotio, quantu[m] magis suis bonis abundare debet Italia, c[on]tra nullam in parendo probetur sentire detrimenta. Et video Laridi species nullatenus jubemus ad peregrinata transmitti, sed in i[ps]is nostris partibus conficitur, noxiā diligenter deesse videatur. Quod præcipue procedit cum merces deferuntur ad hostes, & barbaras gentes, l. 2. C. que res exportari, juxta quam distinctionem accipiendus est textus in l. allegatis 8. C. de vestigial. & commiss. sapientia enim transfiguræ usum armorum, arteisque fabricandi ea transfluerunt ad Barbaros maximo cum suorum detimento. Exemplum extat apud Herodianum lib. 3. Quare eos, qui naves conficeré barbaros docuerunt, capitali supplicio punitos legimus in l. hi qui, C. de penit. & codem jure illud cautum est, ut cuiuscumque operâ & dolo malo hostes nostri committantur, armis, telis, equis, pecunia, aliâve qualibet re adjuti fuerint, tanquam læsa Majestatis reos puniendos esse, l. 4. ff. ad leg. Iul. majest. adde legem 3. C. de servis fugit. & Cassiodorum lib. 2. var. cap. 12. notarunt & illustrarunt Steubachius ad Vegetium lib. 4. de re milit. cap. 8. Petrus Faber lib. 1. semestr. cap. 16. Solozanu[m] lib. 2. de jure Indiar. cap. 15. Lipsius ad Tacitum lib. 2. annotat. 66. Salmasius in notis ad Vopiscum, fol. 388. Mercurialis lib. 1. variar. cap. 24. & lib. 6. cap. 26. quæ omnia si justè statuta sunt, & procedunt in deferentibus merces ad hostes, exterisque nationes, quanta majori cum ratione observari debent in deferentibus arma, & similia ad Sarracenos, Turcas, Hæreticos, aliosque Christianæ religionis hostes. Quare tot Ecclesiæ constitutionibus sub gravissimis peccatis, & censuris id prohibitum fuit, circa quas variis casus examinant, & exponunt Duardus, Fragofo & alii scriptores in Bullam Coenæ Domini, Scortia, & Gibalinus ubi supra. Illud omitten- dum non est, Inquisitores hæreticæ pravitatis in-

Hisp[an]ia procedere contra deferentes arma, vel equos ad infideles. Cantera qq. crimin. cap. 1. num. 68. Diana part. 4. tit. 7. refol. 19. & in Inquisitionibus Aragonie etiam proceditur in exportantes equos in Galliam. Bobadilla tom. 1. po. lit. c. 14. n. 51. Carena de offic. Inquisit. 2. p. c. 17. §.

20.

Nec obstat dubitandi ratio supra adducta; nam licet contractus emptionis, & venditionis juris gentium sit, & ideo Principes absolutè subditis illum prohibere non possint, tamè respectu aliquarum personarum, seu rerum ex iustis causis simile commercium interdicere valent, quia talis prohibitus inititur potentiori, naturalique ratione; nam ut inquit Alb. Gent. lib. 1. de jure belli, cap. 21. jus commerciorum æquum est: at æquus tuenda salutis est. Illud gentium ius, hoc naturæ est. Illud privatorum est, hoc regnorum. Cedat igitur regno mercatura, homo naturæ, pecunia vita, ut prosequitur Ar-niseus lib. 1. de repub. cap. 3. sec. 3. Unde ex ratione proximè adducta potuit Ecclesia prohibere Catholicis venditionem armorum, & similiū rerum cum Sarracenis, & infidelibus. Nec obstat augmentum ipsius difficultatis; nam licet libertas juris naturalis sit, tamen aliâ potentiori naturali ratione plerumque servitus admittitur contra ipsum jus naturale, ut probavi in cap. final. de servis non ordin. & inter eos enumeratur casus, cum quis in pecunia delicti admissi libertatem amittit, servusque fit, veluti jure civili, si homo liber ad premium participandum fecerit venundari passus sit, & jure canonico filii à clericis procreati ex concubinis servi nascuntur, ut probavimus in cap. 1. de filiis presbyt. Unde recte, pièque in praefenti casu, cum pecuna capituli jure civili statuta esset in eos, qui arma & merces prohibitas ad hostes exportarent, l. cōtem, ff. de publican. l. final. C. quarum rerum, l. 2. & 4. C. de commerciis, l. ne-mo. C. que res exportari. Novel. 63. Leonis, l. 2. 2. tit. 5. part. 5. Cujac. in dist. l. cōtem, & ad tir. Cod. que res exportari, Alb. Gentil. de advocat. Hisp. lib. 1. cap. 20. Bobadilla lib. 4. polit. cap. 5. Ecclesia potuit imponere servitutis pecuniam deferentibus arma ad Sarracenos, aut in eorum navibus regi-men accipientibus.

## C A P V T VII.

a Alexander III.

**C**onsuluit, &c. Iudeos etiam de novo construere synagogas, ubi eas non habuerunt, pati non debes; verum si antiquæ corruerint, vel ruinam minantur, ut redificant, poteris æquanimiter tolerare, non autem ut eas exaltent, aut ampliores, aut pretiosiores faciant, quæ antea fuisse noscuntur; qui utique pro magno debent habere, quod in veteribus synagogis, & suis observantiis tolerantur.

## N O T Ā.

<sup>2</sup> **A**lexander III. ) Ita etiam legitur in se-cunda collectione, sub hoc titul. cap. 1. &

in cap. consuluit 29. de appellat. ubi extat alia pars hujus textus, ut ibi notavi, & commentarium de-dì supra in cap. 1.

## C A P V T VIII.

a Alexander III.

**A**D hoc præsentium auctoritate mandamus, atque præcipimus, quatenus om-nibus Christianis, qui sunt in jurisdictione vestra, penitus interdicatis, & si necesse fuerit, eos ecclesiastica districione compellatis, ne ipsi Iudeorum servitio  
D.D. Gonzal. in Decretal. Tom. V,

N 2 assidue